

烈
皇
小
識

烈皇小識卷二

四年辛未正月外察姚庶子門人永城知縣賀鼎建籍隸
凌霄皆被察凌霄於丁卯鄉闈中抗言以折張士範者本邑
相公忠其強項遂以酷虐鼎則以師門之故欲斬其考送之
路也雖云肆毒者王永光而助紂為虐者則考功郎中程國
祥寔尸之

二月會試天下士 命大學士周延儒何如罷為考試官取
中吳偉業等三百五十人

吏部尚書王永光罷給事中葛應斗疏糾御史袁弘勛錦衣

張道濬通賄鬻權等事指弘勛得叅將胡宗明銀三千兩以
爲兵部尚書梁廷棟又得主事趙建極銀一千七百兩以爲
吏部尚書王永光而廷棟隨上書佐之并列道濬諸奸狀有
旨俱革職擬問先是舊樞王洽之逮也雖事_爲封疆而召對之
日宜興寔開其端舊督劉策又以失事服法東人摧折已甚
東省諸公頗不平烏程專以龍絡人爲事人多嘆其孤誕于
是江西山東諸公俱以烏程膝_且興也一意以去宜興爲主
時弘勛道濬日夜入長垣之幕_索爲奸利道濬先疏叅御史
劉芳革職繼又助呂純如叅先文肅毒焰甚烈而從中保護

長垣固并獲袁張者宜興也時長垣之伎倆窮而 上之眷
注已移耶陵擬除去之以已繼其席且部中樞之重担烏程
亦擬藉此傾宜興而自居首揆故乘宜興入闈日發之烏程
即票 嚴旨以進給事中吳執御浙人也而合于東疏論王
永光誨貪崇墨不可以表帥羣僚永光再疏請告回籍
三月 廷試策士 賜陳于泰吳偉業夏曰瑚等進士及第
出身有差

大學士錢象坤兵部尚書梁廷棟蘇宜興之出闈也不能急
收後著與此輩香火之情甚篤行人司副水佳胤悍然操戈

直攻郾陵顯為袁張報復水疏入分會稽票擬會稽郾陵房
師也宜興直從會稽手拉去顯左袒佳胤佳胤再疏則發郾
陵私人沈敏與蒯撫劉可訓往來諸奸狀據有手書盈筐且
有暮夜之迹郾陵幾不免禍幸中涓左右之乃得 旨開任
會稽與可訓俱株連而去可訓奉 旨削去巡撫職銜以四
川副使致仕

四月京師大旱 皇上幸祀步禱百官俱齋宿本衙門而最
冷淡之詹事府經年不一到者掌詹協理等官可二十餘員
皆群居其中亦一奇也

五月 上為雪禱不應遂釋張鳳翔易應昌李長春于獄始
聞臣以雲間舊輔為請聖意斷不可繼而 俯從廷臣之
請慨然出之園扉真可謂 堯仁如天矣

時群小側目姚公布孟甚去秋姚與姚明恭主試北闈搜索
無所得乃借武生冒籍一事給事中王猷上疏奏之猷袁弘
勛門人也理應嚴查冒籍與否與衡文者無預宜興乃票

旨覆試金允治以文理粗疎罰停會試三科高岱以不能完篇
褫革正副主考俱下部議處

廷推閣臣宜興以獲持長垣故至于助水佳胤而遂會稽耶陵

人心愈憤會稽耶陵雖去俱不能忘情于宜興而其力敵猶足以使人造會試 廷試兩元一以文一以行俱大不協于衆口 廷元尤為公論所不許給事中吳執御一疏再疏竟借兩元為題然在偉業不過雲迷五色在于泰則寔受其萬金之饒而于泰亦疏叅執御揭其有無不可知之事欲傾人以自救而造以動天下之兵則宜興之至巧而寔至拙也嗣繼執御以救攻宜興者不下十餘疏 上察行留中 聖心已不能無動宜興固其留中也付之不聞不見入直票擬如故則為從來閣臣之變局既而揭請廣閣員 俞旨隨下且

准 廷臣會推似悟 特簡之為非者 聖意蓋可知矣

自虜騎入犯後 上復命內奄提督京營至是却憲四出

命太監王坤往宣府劉文忠往大同劉允中往山西各監視兵

餉又 命太監張國元往薊鎮東協王之心中協邵希韶而

協各監軍又 命太監李身茂監視陝西茶馬又 命太監

張彝憲總理戶工二部錢糧

從來文會場有會試 廷試有 臚傳禮武場則否十月復當

武會試有董某者以勇力聞達入 帝聽時主武試者庶子

楊世芳中允劉必達某以策不中程破格 上謂諸臣故拂

聖意也兩主考及兩監試俱下獄閣臣揭救及奉 嚴旨重令
會試另點諭德方達年中允倪元璐主試事董某中式復報
廷試牘俾禮一如文場董遂 賜武狀元及第選昌平游擊次
年遣擊陣亡

是夏虜騎圍錦州恣掠三日陳大凌雙堡而去高陽於是倡
城右屯大凌以圍進取之議本兵梁廷棟主之 上從部議
命祖大壽率馬部兵四十領其事以班軍一萬四千供敗築護
以石砮兵一萬收丘禾嘉巡撫寧錦親往相度高陽欲先城
大凌木嘉不從廷棟去中朝盡反其所建置謂也凌荒遠不

常彙令撤班軍赴薊時尚存糧萬石高陽欲運糧散軍委空
城而去木嘉又不從八月虜騎進圍凌城祖大壽與副總兵
何可綱固守立木嘉率監軍張春總兵宋偉吳襄來援木嘉
怛憚屢易師期宋偉主進吳襄不可兩不相下高陽至錦尅
期進兵襄曰日者言大壽命官難星將出少待之越八日始
進遇虜兵于長山寨營主近水偉主近草議未定而虜兵前
驅至偉營柵甚固虜兵連攻不能入移攻襄營襄衆亂不能
軍遂潰偉力戰至脯亦潰張春陷而錦人高應元陳二韓五
從北營拔歸願自效其奇知回王子營于白雲山乞以通夷

語者百人裹火藥入營衆不意縱火勾王子帳而刺之即不
成八營皆擾亂可走也大壽之弟大弼敢死戰喜結客戰于
錦州四王子免胄掠陣大弼笑出搏之刃簇中馬腹兩蹄
曰祖二風于四王子噓指稱之三人在北營知大弼名衆從
之高陽以三人爲大弼結爲兄弟夜三鼓三人爲藥大弼率
死士百二十人斫四王子營火藥發烟焰蔽帳前四王子跳
而免八營皆大亂相蹂殺既辨色我兵備爲胡語混虜騎而
出先一日凌城食盡虜兵招降甚急何可綱爲文白祭而死
大壽降於清四王子勞來甚至齊酒食鞍馬約下錦州大壽

以養子為質與之盟而還至是我師叔北營大青養子逸出
清兵乃復毀大凌城引去而中朝喧言長山之敗喪失師徒
輜重無算皆以聞虜於高陽坐以矯旨復城 詔冠帶閑任
荆寧錦叙功世蔭張春既陷其妻翟氏六日不食自經死既
而春通書求款 廟堂計無復之乃授張春副都御史黑雲
龍帶都督俸以羈縻之後木嘉與大青相訐大青抗章扶摘
其貪穢高陽力止之而聞之 中朝遣木嘉南京太僕卿以
去

日講官羅喻義進講尚書先期舛講章送閣內有傷執政語烏

程載其半喻義執不可直至中堂動色而爭休仁遂出疏叅
之言舊例惟經筵多進規語日講則正講多進規少今喻
義以日講而用經筵之例駁改不聽自愧不能表率後
進有旨喻義閑在此真詞林怪事究竟所指之例不知出
何典故也

少詹事姚公布孟在講筵為上所識每講畢歸班上
未嘗不目送也衆咸謂大拜可期時逢有枚卜之旨宜興
所以阻攔後輩者不遺餘力當會推時衆共推穀姚冢宰閑
洪學諸人曰首揆不欲衆復而懇宜興宜興極相引重衆所

詣冢宰冢宰堅以首揆為辭衆乃促總憲陳于廷同冢宰
見宜興宜興令門從兩次延見先冢宰而後總憲冢宰出語
人曰首揆終不欲也最後烏程顯然排擠謂姚科場有話講
却覆木上豈可預推少唐公乃急喻同人止弗復言若不見
幾則虞山之故轍必復見于當日矣御史遲大成特上資淺
望重一疏本為少唐公及姜曰廣而發奉有再奏之旨少
唐公力挽之乃指先文肅之家居者以對其併及陳諭德仁
錫則遲有戒心焉借陳以免于詰責也宜興以是有歎于心
歲終置講筵諸臣不叙而單疏特題少唐公陞正唐以謝

過云

時當考選開封府推官張瑤杞縣知縣宋政皆萊陽人也宋政考選得給事中張瑤得同知瑤大不平因發政賄營情狀列疏上聞吏科都給事中宋鳴梧特出悍吏劣考猶輕疏叅瑤乞加重處有旨張瑤降四級調用後瑤補河州判官流賊破河州瑤殉難卹贈光祿寺丞蔭一子入監

是年正月流賊神一元陷保安副將張應昌擊敗之一元死弟神一魁領其衆二月總兵賀虎臣杜文煥合軍圍保安神一魁突圍出都指揮王英不能禦諸道兵皆潰一魁遂攻慶

陽破東關游擊伍維藩擊斬五百餘人時總督楊鶴駐邠州
不即援而宜君賊趙和尚等復南犯涇陽三原韓城澄城等
處三月張應昌等援慶陽賊圍解時議招撫神一魁等癸未
賊首孫繼業茹成名六十餘人來降總督楊鶴受之設御
座於田原城樓上賊叩首呼萬歲因宣聖諭令設誓各解
散歸原籍自是羣賊視總督如兒戲矣四月神一魁降于楊
鶴：侈其事上言請犒萬金賑濟其脇從飢民各給牒回籍
而餘賊劉五可等據鐵角城混天飛獨行狼等聚蘆保嶺分
犯平固耀涇等處混天猴分犯寧環王虎圍莊浪不沾泥攻

米脂總兵王承恩侯拱極率兵至葭州洪承疇張應昌亦至
賊分兩營以待官兵奮擊大破之不沾泥逃奔關山嶺副將
馬科等追之盡殲其衆不沾泥手殺賊首馮趙虎縛獻紫金
龍以自贖五月王承恩擊宜川賊敗之賊首王虎金趙鵬降
金翅鵬即王子順侄王成功也餘賊走宜君叅將曹變蛟遂
寧塞賊于唐毛山四戰皆捷先後斬一千四百餘級賊大潰
延安賊趙四兒掠韓城卽陽叅將張全昌擊斬三百餘級賊
走鄜州復進擊斬六百餘級是月滿天星降于楊鶴曹文詔
攻河曲賊克之斬賊十五百餘級六月擊王嘉胤于陽城斬

之其黨又推王自用為首號曰紫金梁其黨皆自相名目除
混天猴張孟金不沾泥張存孟外張獻忠號八大王趙四兒
號點燈子張有義號一盞燈王之臣號豹五羅汝才號曹操
高嘉計號陰道神張大受號滿天星劉國能號飛來虎嘗國
安號托天王賀一龍號革裡眼李萬慶號射塌天惠登相號
過天星張一川號掃地王楊旭號一隻虎馬守應號老回
張胖子號整齊王伍林號一桿鎗王光恩號小秦王楊光甫
號一連鴈劉正國號閑索其他蝎子塊翻山鷄等名類甚
多

鄜州賊混天猴謀襲定遠張應昌邀之于真水川敗之追斬
四百餘級洪承疇又敗之甘泉山中王承恩曹文詒等擊諸
賊于太平原等處連敗之延慶之間稍息肩焉

癸未以神一魁等復叛逮楊鶴下獄以洪承疇總督全陝軍
務點燈于東渡至山西入沁水攻寧莊寧莊故張公鉉里居
也聚衆拒守矢石並發賊傷甚衆乃退復陷隰州蒲縣總督
魏雲中削職聽勅以張宗衡代之以宗統殺巡撫山西
八月王承恩擊斬中部賊七百餘級賀虎臣擊斬慶陽賊劉
六殺其餘黨六百餘人西路漸平

神一魁叔守將吳弘器官兵圍之其黨黃友才斬一魁以降
獨頭狼滿天星一丈青上天猴等沿叔同帥等處副總兵趙
大胤在韓城去賊營二十里不敢邀擊士紳強之出報斬五十
級驗之則皆婦女首也給事中魏呈潤劾之有 旨提問洪
承疇擊點燈子擒之伏誅其黨黑煞神錯天哨等皆起黃友
才亦叛洪承疇陞任延綏巡撫缺時御史吳桂奉 旨賚銀
十萬賑濟陝西飢民兼行招撫部推姓為正布政陳奇瑜陪
上用奇瑜十一月陝西賊譚雄陷安塞王承恩誘雄等五人斬
之復安塞不沾泥等陷安定王承恩進攻安定賊走綏德混

天猴甘泉劫餉銀十萬八十兩殺知縣郭允圍河西兵備張
允登陣亡洪承疇遣王承恩進勅而自率六百人趨鄆州十
二月甘泉賊陷宜君又陷葭州兵備郭景嵩死之於是諸降
盜皆叛承疇日不暇給矣

山西賊沿掠聞喜河津等處孫顯祖討之與賊六戰皆捷
五年壬申正月孔有德等據登州以叛先是孫元化以前屯兵
備趙陞登撫隨帶遼丁三千人駐防登州遼丁貪淫强悍登
人不能堪適是冬有大凌河之警孫令孔有德等率遼丁往
援即于原籍著伍亦兩全之術也行至吳橋後隊尚滯新城

奪取王氏庄僕一鷄王氏大族勢凌東省隨東領兵官沈欲
正法領兵官不得已查奪鷄者穿箭遊營衆乃大譁遂殺守
庄僕王氏申詳撫按必欲查首亂者戮以殉報遽丁急至吳
橋邀前隊改轅而南時統兵者左步營叅將孔有德右步營
都指揮陳有時東江副總兵毛永祿登州叅將李孔成也遼
丁三千人皆歃血立誓若不雪此恥而北行者報共殺之遂
擁孔有德等以叛盡滅王象乾家王家春等皆易服潛竄抄
劫新城一空越臨清德州取間道而東遇青州知府汪喬年
餽牛酒犒師令無相犯遼兵果結隊而過距登縣十里于馬

唐店扎營曰為王氏所逼非敢反也元化令旗鼓游擊耿仲明傳諭扎營城外教場候撫教場故有三十營房援遼將卒家居焉欲令移入城出房以舍步兵城中堅拒不納有德說仲明亦反尚有遼人在城中者紳民必欲撲殺之遼人遂開門納師登城陷時正月初三日也

呂純如復有疏叅論多人通政章先岳送還之至是復上疏止于自辯不及他人御史吳彥芳駁之上遂留純如疏不發彥芳者情：人也去秋曾有一疏為宜興解嘲公論譁然有教之懺悔者故出此疏：亦不為無功後復有疏薦李瑾

李邦華而給事中吳執御亦疏薦黃克纘劉宗周 上責其朋比俱下獄說者謂執御之處顯然修建元之怨而彥芳則前疏之故也

上點禮部尚書徐光啟鄭以偉入閣辦事登城之變孫元化自刎不死孔有德等欲奉以為主亦不可東省之人以其不死也遂以朱泚日之言路欲借以傾宜興與元化同舉于鄉最相暱也時調總兵王洪楊樂著往勸相持不敢進於是轉而為主撫之說而舊歲枝卜一事一推再推未奉 俞旨于是宜興烏程各欲樹其同志以為薪傳之計而宜興所急

欲引進者已縣次則上海烏程亦注意已縣及首推蓋已縣
固宜與素所脛愛而上海者則宜與因言路借登撫以攻之
頗有危機上海與登撫師生莫逆此老迂慙勇于任事而不
顧利害日夜為主撫之說以祈紓登撫之死故宜與欲借之
自肋且却前担至是具揭以兩人為請上乃點用上海徐
光啟及上饒鄭以偉而首推竟不用先是首推投誠烏程以
求必濟乃奉旨另推者再終于聖意未愜林下某公意
首推必蒙點用遠飛書長安極相推許書中復縱論某正
某邪某可推戴某可聯絡某可擯弃書中全注毒宜與而不

及烏程又却致錦衣吳孟明吳首推姻家也復落中書周大成之手都下閑傳而首推遂不用其不用之故皆以為此書既露政府從而尼之首推之恨不可言若上饒蓋以恬靜得之則天也首推為姜達元

登州既陷山東巡撫余大成革職達問以徐成治為山東巡撫謝建為登萊巡撫又會兵部主事張國臣往諭解散一面議撫一面進兵孔有德等因統兵直薄萊州城下謝建等復申撫議有德等必欲邀登撫至彼營中方肯受撫建不得已同萊州知府朱萬年赴其營俱被拘留于是復主勅烏程特

出疏力攻主撫者時總兵劉國柱王洪鄧玘統兵三萬由沙河西路以進副總兵吳安邦徐樹聲統兵二萬由八角東路以進天津叅將孫應龍統水兵三千抵廟壘斷其入海之路既而三路皆敗樹聲應龍被擒東撫徐成治為炮所擊死于足復令萊州推官屈宜陽入營議撫亦卒不就吏調榆林薊昌各遣兵統于總兵楊禦蕃陞金華朱大典為山東巡撫拒堵于萊州元化航海至天津自投刑部以封疆律正法有德等禱于海城小聖廟抗天朝與投清孰吉卜得投清吉隨得順風出海歸清登人隨毀小聖廟

吏部尚書閔洪學罷長垣既去閔洪學為吏部尚書亦為程人也每事收人心以歸溫有過則皆諉之宜興而宜興不覺也登撫之變烏程顯出疏攻主撫者以陰傾宜興宜興尤甚又洪學蒞任惟奉行烏程意旨于宜興不甚炤管左侍郎張捷至不能進叅一語斯時操發孤者不在宜興而在烏程一時捷足者競走烏程宜興之黨皆怨閔冢甚于是張捷與太僕少卿賀世壽投誠諸君子謂言路若能攻閔冢而去之者烏程之去宜興力任之有餘時給事中王績燦御史劉令譽周堪賡先後疏叅閔冢兵部員外華允誠疏尤切允誠疏畧

曰當今時勢有三大可惜四大可憂夫以 皇上聖德加之
勵精何難于握大權坐躋至治乃當事者借 皇上剛嚴而
佐以舞文掣肘之術借 皇上綜核而騁其訟逋握筭之能
遂使和恒之世競尚刑名 皇上圖治之盛心為諸臣闇智
之捷徑可惜一帥為大僚驚魂于回奏認罪封駁重臣奔命
于接本守科直指風裁徒徵事件長吏考課惟聞錢糧以多
士請共之精神為案牘鈎較之能事可惜二今何時乎非大
小臣工同舟遇風之時乎 廟堂不以人心為憂政本不以
人才為重意識互時議論滋煩遂使詭勑詭撫等于棄舍忽

用忽含有似舉恭以興邦啟聖之日時為即聾從昧之舉動
可惜三夫一人主所以尊于天下者法也喪師誤國之王化
貞何以與揚錫異辟潔已愛民之余大成何至與孫元化並
逮甚而一字偶誤一言偶拂執訊隨之刑罰不中鉞鉞倒置
一可愛也國家所恃以為元氣者公論也今直言敢諫之士
一鳴立斥指接薦賢之章非奸即黨不惟不用其言并錮其
人不惟錮其人又加之罪謫奸得志忠黨屈抑二可愛也國
家所賴以為防維者廉恥也近者中使出大臣俱不敢諫
阻小臣又安敢抵觸與之抗衡者僅二三人耳其餘奔走之
輩惟恐後時諂曲趨承猶宜獲戾皇上以為近臣可任而

不知倖竇已開以為內任可惟吾操縱而不知其屈辱士大夫已如此矣三可憂也國家所藉以進賢退不肖者銓衡也我朝罷設丞相用人之職吏部掌之閣臣不得侵焉今次輔與冢臣同色為朋比惟異己之驅除閣臣無操吏部之權吏部惟阿閣臣之意造門請命夜以為常統均大臣甘作承行之吏如膝墜淵惟其所欲點陟大柄祇供報復之私甚至庇同鄉則逆黨可公然保舉而白簡翻為罪案排正類則講官可借題適逐而薦剡遂作爰書 皇上惡諸臣之欺：莫

欺于此也 皇上怒諸臣之專：莫專于此也 皇上疑諸
臣之黨：莫黨于此也 威福下移正氣消磨四可憂也 疏入
與令譽等皆奉 嚴旨而績燦尋以他事革職時聞外議歎
衆論謂張春失節不死反加副都御史何以服衆崇煥于地
下黑雲龍輸誠通款反都督府帶俸何以謝郭鞏陳此心于
獄中故疏內復及楊王一案閉冢果不安其位連疏請告以
去聞冢既去張捷輩意足志滿宜興復飲烏程狂藥謂死生
決不相負于是盡反前言于同志舉動不復矧管矣張捷者
與僕少公慮烏程知其謀而修都也轉而入烏程之幕盡以

始末告之且謂華疏出唐事姚公手故烏程恨唐事與總憲
最深北闕冒籍事部覆既上烏程密揭入大內以挑聖
怒至尋初念頗佳忽然中變遂奉旨姚希孟著降二級
調用總憲後以考核御史畢佐周事有旨畢佐周著降二
級調用陳于廷著革職為民

唐事公之處也宜興寔知之而不救旨下之日宜興休沐
不出簡討徐沂庶吉士張溥遠在坐宜興見旨頓足曰惜
我出直朝端又去一正人矣然而人之視己如見其肺肝
矣

御史史堃為長垣私人北方悍將也時以巡按淮陽回道考
核淮陽素稱鹽地前按曹道未及半年賍罰已積十七萬有
奇猝當例轉百計僅支二萬金歸餘俱留貯庫繼任者為史
堃盡掩取之史堃又署巡鹽事欺匿鹽課二十一萬考核時
噴有煩言總憲長子陳貞裕屢次干謁婪有數千金堃執其
手書相挾總憲懼乃考核稱職回道管事

爾時為總憲者正當臚列史堃奸貪諸狀奏請提問追賍如
高忠憲于崔呈秀故事并首其子干謁說情罪狀而自束身
待罪 聖明必加矜亮不特可稱埋輪破柱之職而一番舉

動自足令人心振聳乃畏首畏尾坐失事機終為當軸擗去
良可嘆也後之為大臣者當于此覆着眼

工部右侍郎高弘圖疏畧曰臣部有公署中則尚書旁列侍
郎禮也內臣張彝憲奉總理二部之命儼臨其上不亦辱
朝廷而褻國體乎臣今日之為侍郎二尚書非二內臣國家
大体固不容不慎故僅延之川堂相賓主而公座毋寧已之
且總理公署奉命別建則在臣部者宜還之臣部豈不名
正言順而內外平乎上以軍興餉事緊急彝憲應到部驗
核不聽弘圖遂引疾求去疏七上上怒其悻：無人臣禮

竟削籍

南京禮部主事周鍾疏畧曰內臣用易而去難此從來之通患然不能遽去猶冀有以裁抑之今張彝憲用而高弘圖之骨鯁不可容矣金鉉之難幸免罪以他事中之矣王坤用而魏呈潤以救胡良機處矣趙東曦以直糾扶同處矣鄧希詔用而曹文衡以互訐投閑矣王弘祖以禮數急緩斥矣若夫孫肇興之激直李日輔熊開元之慷慨無不罷去未易屈指尤可嘆者每讀邸報半屬內侍之溫綸從此以後草管臣子委棄天言祇徇中貴之心將不知所終矣 上怒其切直削

籍為民禮部員外來繼成疏救不聽

是年正月延綏賊偽為米商入宜君陷之復陷保安合水而寧塞餘賊復合環慶諸賊屯鎮原之蒲河欲犯平涼及鳳翔漢中巡撫練國事檄固原兵脩王振奇同副總兵王性善等截守各隘口檄平涼兵脩徐如翰同副總兵董志義守涇州各要害又檄總兵楊嘉謀等緝捕奸細獲賊塘馬殺之斬其耳目賊遂不敢出達洪承疇從鄜州間道疾至慶陽曹文詔以臨洮兵至賀虎臣兵亦至齊集于西澳夾擊之與賊大小十餘戰斬首千餘級追奔數十里傷墮者無算而寧塞之賊

盡矣惟渾天侯等尚踞襄樂練國事遂移鎮寧州時以西澳
之捷為從來用兵第一而延西諸賊赫臨等可天飛屢為官
軍所敗獨行狼復入其伍據鐵角城耕牧其中為持久計洪
承疇曹文詔進擊之斬可天飛其二賊亦生擒伏誅自西澳
捷後軍聲大振文詔忠勇善戰承疇與下同甘苦得士卒心
轉戰四載斬級三萬餘西人稍：休息然亦憊甚矣

三月軍塞餘賊夜襲鄯州兵備郭應響死之聞西餘賊亦攻
陷華亭知縣徐兆麟赴任甫七日城陷逮問伏法人皆以為
冤

八月山西巡撫宋統殺孽賊于長子賊奔沁水賊首紫金梁
老回：八金剛圍寶莊張道濟率其族禦之賊多死且聞秦
兵至甚惧紫金梁老回：皆乞撫惟張獻忠塌閣天不受命
紫金梁歸款未決官軍乘賊不備輕騎襲其營賊遂南奔犯
濟源陷溫陽

九月山西賊豹五等破臨縣據之滾地狼等南犯陷修武殺
知縣劉鳳翔焚掠武涉遂圍懷慶上以蒲封重地切責河
南巡撫樊尚燦令殺賊自贖賊既盡向河北山西巡撫宋統
殺吳南兵脩王肇生帥兵至陵川杞賊歸路賊北歸遇官軍

殊死闘立有勝負會夜與賊爭險對營兩山頭賊緣谷潛登
大譁官軍亂統殷肇生皆走與諸軍相失宣大總督張宗衡
提兵至高平統殷肇生以兵未會大破賊于桑子鎮賊復入
沁水

十月山西巡撫宋統毅以陵川失律回籍聽勘以許鼎臣代
之

十二月張宗衡許鼎臣同逐臨縣賊：轉入磐磨山：方六
百餘里賊首獨頭虎搗天動據交城文水北窺太原刑滿川
上天飛據吳城東向汾州紫金梁亂世王屯虹梯關吾兒峪

遂棄虛從沁州北掠榆次及壽陽距太原止六十里許昂臣
撤兵北歸時亂世王與紫金梁爭一掠婦構小隙遣其弟混
天王來投誠廷議方主進勅諸將諱言受降權辭謝之約得
紫金梁頭方為請于朝混天王唯：而去諸賊遂分為三
陷霍州垣曲長子等處壬辰陷遼州是日除夕也

癸酉六年三月給事中陳贊化疏劾周延儒招權納賄游客李
元功借業戚人又云延儒嘗語去輔李標曰上先允放余
封還原疏上即改留頗有回天之力今上義皇上人也
此係何語豈徒小人之輕泄乎至指借停刑以圖賄利此固

通國所共知也且引科臣李世祺為証世祺亦奏延儒曾有
此言給事朱又煥復疏叅延儒重負國恩毫無補救宣府太
監王坤亦疏攷延儒左副都御史王志道疏爭王坤不宜侵
輔臣語頗過激上召廷臣于平臺諭志道曰遣用內臣
原非得已朕諭甚明爾等不自省察徒事爭執王坤之疏朕
已責其誣妄乃羣臣舉劾無不牽引內臣豈處分各官皆為
內臣耶志道對曰王坤疏劾輔臣舉朝皇、皆為紀綱法度
之憂臣為紀綱法度惜非為諸臣地也上曰廷臣于國家
大計不聞一言惟用內臣在鎮不利奸弊乃借王坤疏要挾

朝廷誠乃佞也詰責志道者再延儒奏志道非爭論內臣寔責臣等溺職上曰職業不修沽名立論何堪風憲之任志道退即引罪乞罷時烏程同召竟無一言相助宜興以是憾之

宣府巡撫馬士英甫蒞任冒侵餉銀六千兩鎮守太監王坤疏發其事士英逮問遣戍舊例巡撫到任修候都門要津侑以厚賄贖錢不能猝辦則操庫中正額錢糧應用而徐圖償補此相沿陋習各省各邊皆然不獨一宣府也士英蒞事未幾一時不及低償遂為王坤所糾坤既以發奸為功上亦

心喜內臣之果能絕情面而剔積弊也故凡言內臣者皆不聽

六月大學士周延儒罷陳贊化復疏叅宜興宜興循例請罷
第三疏擬邀 俞旨即出烏程心圖首輔巧用機權准予休
告 旨下出其不意宜興殊不能堪乃謀于內 召桐城舊
輔以壓之宜興在政府每借力于內以示其威權其語人也
輒以喜怒不測歸之 聖意而寔閭中之權盡歸于中涓矣
是閭休之壞自宜興始也而其罪之大者在不能沮內奄之
出鎮幾與崑山等惟烏程能踵其智他輔皆不能及

上饒上海相繼告阻閭臣復請枚卜 上點用嘉善錢士升
士升雖浙人與諸君子頗相周旋唐世濟力言于烏程當急
收之無為彼中所用遂由南京禮部侍郎入正揆帝宜興既
去又 點用已縣黃應熊香山何吾騶香山亦以投誠烏程
得之已縣則宜興所最注意而烏程援以自助者也給事中
章正宸疏言 爰立命下吾騶人無間言應熊則競以奸邪
目之應聽休致有 旨革職提問正宸方以鎔選外授也
王承恩敗安塞賊于西川胡堡賊目喬六斬其魁以降餘衆
悉遁自是秦中稍寧而晉豫之間多暴骨矣

正月副總兵左良玉提兵援懷慶敗賊于涉縣西斬其渠既而擊林縣賊敗績于武安麾下兵七千先後死亡殆盡乃請鄧紀兵相援賊遂掠真大并陘兵備檄守備李定王國璽禦之陷賊伏中賊遂長驅而東大名兵備盧象昇禦却之

曹文詔連敗賊于忻代間斬首千五百級又敗賊于榆社時文詔屢捷張應昌逗留不進紫金梁老回：從榆社北奔三月山西兵擊賊于陽城北張道濟設伏于三經四賊至伏起擊之斬其渠滿天星賊大奔巡撫許鼎臣奏道濟功第一五

月曹文詔夜襲賊于偏店賊驚走墜山谷者無算諸將會兵
逐之賊盡南走總兵鄧紀帥川兵三千同石柱土司馬鳳儀
馳援河南未幾鳳儀敗沒六月川兵潰于林縣潞王告急
上念中州流賊蔓延命總兵倪寵王樸分將京營兵賜二將
矢戰馬監以太監楊進朝盧九德馳赴河南夾勦

上以勦賊諸將一時功罪勤惰應有監紀 特命太監陳大金
閻思印謝文舉孫茂霖分監曹文詔張應昌左良玉鄧紀軍
仍發內帑銀四萬兩紅素蟒緞四百匹紅素紵緞二千匹軍
前給賞

七月張應昌進勦汾州諸賊內監紀需索百倍汾陽知縣費
甲鏹以供應不能給投井死左良玉破賊于懷慶賊奔太行

山

山西賊陷永和復陷沁水賊自秦入晉五犯沁水至是始破
八月陝西賊復起攻隆德殺知縣茅彥方固原兵陷陸夢龍
進勦賊于綏德城下死之

賊流入真定者殺掠寧晉南宮甚慘九月張應昌敗賊于平
山復賊首張有義即一盞燈也賊遂走五臺山據顯通寺其
中新儲皆具阻險自守官軍不敢擊

十月山西河北諸賊二十四營乘水渡河而南犯關鄉陷渾池

十二月己未河南賊陷伊陽庚申陷盧氏徧掠汝州浙川內鄉戍寅犯南陽遂流入湖廣掠均州光化庚辰賊假稱進香陷鄆西癸未陷上津鄆陽撫治蔣允儀河南巡按曹佃皆被逮

按鄆陽不過一聚村耳以其介川陝河南三省之交山川綿亘盜賊易于盤踞故設重臣建牙以鎮撫之又以撫綏流民故易巡撫為撫治奉 憲 孝二宗敕官撫治管轄

地三省巡撫不得干預萬曆初年穀餉猶有一萬六千之
額王公世貞在事以六千改充邊餉以四千發荆南兩道
自募標兵而穀止六千矣中軍有官無俸今食缺官俸後
以搜括故開餉俱解太倉旗教官日索二錢取之餉糧而
餉又不時給標兵三百歲糧十兩有奇皆各縣有身家者
買頂首以免門戶而覓人充當又義勇二百歲糧六兩且
糊口不足而南下之賊動梅穀十萬將何所施其堵禦說
者謂但易鄭鎮之官而不為鄭鎮計長久重事權而增兵
餉雖武侯復生終無濟也

延綏賊鎖天哨開山斧獨據永寧關前阻山陰下臨黃河負
固數年不下巡撫陳奇瑜簡銳卒八十人出不意疾走入山
賊不虞大兵至潰走縱擊斬首二千六百級二賊死遂焚其
巢復擊賊首一座城斬之河西盜悉平

七年甲戌正月山西提學僉事袁繼咸疏畧曰士有廉恥然後
有風俗有氣節然後有事功如總理戶工太監張彝憲有請
令入覲官員投冊以隆體統之奏皇上從之意在整剔奸
弊非欲群臣屈膝也乃：上命一出靡然從風藩臬守令叅
謂屏息得免呵責為幸嗟乎一人輯瑞萬國朝宗而相率趨

拜內臣之座士大夫尚得有廉恥乎國家自有覲典二百餘
年未聞有此可為嘆息也 上以其越職言事切責之既而
奏憲奏辯謂覲官參謁乃尊 朝廷結威再疏畧曰尊 朝
廷莫大于典例知府見藩臬行屬禮典例也見內臣行屬禮
亦典例乎諸臣入覲投冊吏部典例也參謁內臣亦典例乎
事本典例雖坐受猶可以為安事辨奏憲即長揖祇增其辱
高皇帝立法內臣不得預外事若必欲以內臣絕外臣會典所
不載 上再切責之時當國者烏程也

二月會試天下士 命大學士溫体仁吳宗達為考試官取

中李青等三百人又特旨五經賴茂猷准列正榜前一名
賴茂猷福建人五經俱拈就知貢舉官禮部左侍郎林鈺具
疏題請奉旨准與滕錄先文肅同考領易一房分送先文
肅房中先文肅力請中式烏程堅拒五上堂而終不允榜出
亦具疏奏請奉旨准列正榜前一名茂猷遂列李青之前
于是海內咸識聖天子破格作人盛心以後丁丑揭重熙
癸未馮元颺等皆以五經中式遂循為故事矣

先文肅本房首拔臨川陳際泰陳老宿名震都下次如畢許
直甲中以吏部殉難者也又次新昌漆園首題其行已也恭

四句篇末痛言不恭不敬之害先文肅毅然取之呈奉時意
烏程必當見駁當有一番辨既呈上即批允心竊以為疑
比撒棘烏程于閣中揚言曰外人說我們要進場收幾個門
生我們今日地位已靠不着門生了况場中即有人罵我嘉
善曰場屋中如何罵得烏程曰他篇末竟說不恭之臣如何
不敬之臣如何豈不是罵嘉善曰老先生如何打發他烏程
曰本房批仲眉抗手想見其人敢不中敢不中其陰忍如
此

是時場中皆推陳際泰為會元檢討項煜欲令會元其門以

計使先文肅謂渠首卷乃楊廷樞也廷樞乃名重江南為庶
子解元先文肅雅不欲與人爭元遂力讓之及拆牒則李青
也項煜向有項黑之稱故項黑得李青之號聞傳一時

是科雖烏程為主考而力行阻抑如榜額每科三百五十名
甲戌止得三百名會元多入烏甲而李青不得列每科考選
館員獨甲戌則否又倡為內外兼用之說而考取知推為館
選至欲令三甲就選縣丞主簿衆議沸騰以為不可行乃
止

給事中李世祺降級調用以其論溫体仁吳宗達也山西提

學僉事袁繼咸上疏畧曰養鳳欲鳴養鷹欲擊今鳴而箝其
舌擊而絀其羽朝廷之于言官何以異此使言官括囊無
咎而大臣終無一人議其後此大臣所甚利忠臣所深憂臣
所謂太息也且皇上所樂聽者謹言而天下誤以攻彈貴
近為天子所厭聞其勢將波靡不止上終以其越職言
事切責之

三月廷試策士賜劉理順吳國華楊嘉祚等進士及第出
身有差

五月陝西副使賀自鏡奏監紀太監孫茂霖縱兵劫掠玩愒

陝民宣府太監王坤代辦監紀：功罪耳追勒自有將吏在
果如自鏡所言則行間文武地方官員罪俱不在茂霖下
矣

七月二十六日 上為外警焦勞 召對九卿科道 天語
詳明下要有能酬能者

八月十一日吏部尚書李長庚削職為民下文選勇外程良
籌于獄長庚素見憎于烏程欲因事除之久矣是時適議起
廢先是寬恤條款議及罪譴諸臣奉 旨下部刑部方具招
列名疏請 旨尚未下有語長庚者當俟刑部疏下先釋罪

而後起廢烏程欲陷之罪促其急上疏上臚列無遺共一百十六人上以其屈法徇私朋比欺蒙也故有此重譴

良疇為吏部甫蒞任即作誓文誓于伏魔城隍之神隨刊其文遍布都門衆咸聳動謂沈刻意簡飭關節不到如邑老也後狼籍異常較無誓文者更甚卒未調林程正揆其叔也每乞假之夕兩人俱易便衣入青樓家為卜夜之飲衆論益鄙之至是下獄索賍者趾相錯于路也正揆亦以次年京察長庚既去左都御史張延登亦以請告去奉 旨府部九卿科道公舉堪任冢宰總憲者未看時吏部左侍郎張捷署部

事特疏薦逆案呂純如及原任兵部侍郎唐世濟八月二十
一日 上特御平臺 召五府六部九卿科道官面對 上
諭曰吏部尚書乃用人的官須要擇天下第一才品若據會
推故套不過精心定力兩語混題止須一二人把持足矣何
名會推卿等各舉所知來張捷奏臣昨辭卻印正為會推一
事與衆諸臣黨同伐異悞盡 朝廷在外會推自然瞻顧局
面孰敢犯忌今蒙 皇上召對諭臣等各舉所知務得天下
第一才品須不論方隅容臣等破格推舉 上曰立賢不以
其方卿等舉來時定國公徐允禎等大學士溫体仁等共舉

謝陞唐世濟等十餘人張捷仍獨舉呂純如唐世濟諸臣舉
訖捷又奏臣已舉兩人但此兩人皆舉朝所不欲用者隨取
奏本呈御覽上問科道官何為不舉吏科都給事中盧
兆龍奏會推大典科道例無保薦九卿推舉當則聽皇上
點用不當者臣等糾叅聖意深然之隨取張捷疏細閱訖
上問曰呂純如是欽崇有名的張捷為何舉他捷奏呂純如有
才有品臣所深知欽崇列名謂其頌美逆賢今紅本具在
並無一字相及豈可坐以頌美上曰他已曾辯過但不可
開端因以自視科道官曰科道官如何說盧兆龍奏諸臣薦

舉各有本末仰聽 聖明裁奪至張捷所舉呂純如係 欽
案有名臣等正擬糾舉違蒙 聖諭已有明鑒臣等不敢復
有爭執張捷再奏臣寔見呂純如清執可用今案之草野寔
為可惜御史張三謨奏 廷推冢臣所關甚重即使事非
欽案亦須昭雪呂純如生平賢否姑且勿論業已身負重累何
以服人况 欽案久定此端一開漸何可長張捷又奏臣寔
知呂純如是真賢者故從公推舉即在 欽案中亦須分別
倘 皇上用之不効如李長庚削職臣亦與同削職或處分
更有甚于此者臣亦甘與同罪捷又奏小民作奸犯辟 朝

廷五年大審每年熟審惟恐其冤何況大臣如何冤得給事中孫晉奏張捷如此如何比擬今日皇上鄭重冢臣特召諸臣公同諮詢乃以開釋罪因相喻乎盧兆龍奏臣任清江知縣時記得呂純如護送忠藩之國沿途騷擾只此一事已見無才況屈身逆賢其品可知時給事中姚思孝領國寶蔣德瑗吳南灝等御史金光宸韓一光楊純武等俱奏呂純如身在欽案斷不可用捷猶歎：置辦給事中姜應甲叱之曰張捷所舉如此心事可知還敢在皇上前巧辯上即命張捷下去隨將諸臣奏本傳示各官遍閱乃還明日 旨

下陞南京吏部尚書謝陞為吏部尚書南京右都御史唐世濟為左都御史

先臣上 先朝實錄未正一疏畧曰臣頃因纂修 憲宗皇帝實錄從閣中恭請 光宗皇帝實錄副本校對見其間舛誤甚多而悖謬之大者如 先帝之冊立與提擊紅丸大事皆祖 三朝要典之邪說而應和之蓋天啟三年七月十六日實錄進 呈則禮臣周炳謨等史臣莊際昌等所纂修而閣臣葉向高韓爌等所摠裁者也至天啟六年逆黨崔呈秀等謂實錄非實請 旨重修則崇禎元年二月十七日所進

今 皇史歲之所藏者是也是時 皇上初登大寶要典未
煨逆案未定閣臣施鳳來等不行奏明含糊從事凡 先帝
二十年青宮之憂患與夫一月 天子萬年聖人等事俱隱
而不彰斯固臣子之所痛心者也若 先帝紀載尚未清明
則今日編纂將何所據倘謂一入 史歲不可復出則逆璫
之矯 旨且能行于當年 聖明之獨斷豈不易于反掌臣
謹摘其甚者上請 睿覽一云當 命哲之日 詔誥恩賚
儼然負震器之重 儲宮既定典制大明而浮議外滋無端
羹引皆好事者之過云：臣謹按 先帝冊立一事自萬曆

十四年以至二十八年諸臣羽翼 國本有貶謫者有削籍
者有 廷杖者忘身殉 國九死不移諸臣亦何利于已而
為之縱 皇心有主未敢言失 日之功而精忠自盟豈可
沒曰 天之力乃謂浮議外滋無端蔓引一語抹殺謂皆好
事者之過此與 三朝要典所稱姦黨構黨希圖定策與三
案諸奸一脉相貫者同一邪說也宜改正者一一云四十三
年五月有男子張差持挺入 東宮殿后下擊傷門者巡視
皇城御史劉廷元回奏張差話不情寔語無倫次按其迹若涉
風魔稽其貌的是黠猾而刑部提牢主事王之案捏謀危

東宮之說詞連二瑞科臣何士晉行人陸大受主事張廷等附
和其說愈加激聒云：臣按此即要典中提挈一案也即據
劉廷元疏亦明言稽其貌的是點猶而必欲以風魔二字草
草結局不容王之案揭奏張差口詞指為捏謀何也且張差
有口舉朝豈應默然而一有言者輒曰附和曰激聒則必使
東宮無一護衛之人而後快乎正與要典同一邪說宜改正者
二一云工科給事中惠世揚疏論劉廷元遂謂張差在闕前
道關入宮門廷元巡視皇城按狀風魔皇祖是其奏
獄決乎乞自王之案突揭構孽徒黨固以為利借他事蟻廷

元末幾果顯攻風癩之案一時邪說世揚寔為之倡云：臣
按王之案摘發張差之逆至于察處至于削奪後逮死詔
獄莫敢議卹即忠世揚身被五毒體無完膚所以不即死者
逆璫欲借為戎首適殺天下名流非宥之也幸遇 聖明御
宇僅免一死尚稽故事乃云徒黨因以為利斯亦何利之有
焉况風癩之案忠臣義士所共明目張膽而攻者何俟世揚
為倡始顯攻之要典邪說宜改正者三一云張差闖入 東
朝言者紛：御史劉光復言致辟行刑一獄吏任似不必言
官詫為奇貨居為元功以此二語為異議者刺骨云：臣按

劉光復之得罪也寔以奏對越次然據其語但言 皇上極
慈愛 皇太子極仁孝兩言亦未見其有功于 神祖及
先帝而奇貨元功之語不可謂非抹殺忠義矣大抵闕宮一事
挺及殿薦近侍俱踣真天下奇變也必欲視為常事不當根
究以為僅一獄吏之任此何心哉要與邪說宜改正者四一
云方 上疾大漸 召李可灼并趙和葉悉出 聖意一時
臣工所共聞共見其後有造為許世子止不當藥之喻群小
附和驚然鼎沸汗蠟 君父幾成晦暝之世亡何正論大明
邪說漸滅且云李可灼往來思善門中使以聞其傳奏姓名

莫可得而問云：臣按此即要典中紅丸一案也。昔唐憲宗殄伐殺方士柳泌，蓋為憲宗製長生藥者，彼豈不顧其主之長生而餌藥不效則殺之而不以為過後世亦不以為冤。今可灼進藥而先帝賓天，縱謂之誤庸醫誤傷平人，律有明條，況誤傷天子乎？乃與顧命大臣同賜金帛，比屢經論劾，僅准致仕回籍，此何以解于天下後世？且宮闈之中傳奏姓名，豈遂不可窮詰？稍欲窮詰，即曰羣小曰汙蠱曰晦冥，此皆要典和說也。宜改正者五以上，五條皆其尤悖謬者，伏乞聖裁。即敕史官逐一改正，以信千秋，以光大典云。先

是八月初六日先臣入閣進所修憲錄將致一摺于政府欲
題請改正與烏程巴縣辨折良久意思拂然顧無辭以難也
先臣遂于十二日拜疏十三日發崇嘉善擬票云要典已燬
是非自明據奏 皇考憲錄是否與要典同異并天啟三年
所進憲錄該部一并查議具覆票入不發至九月二十七日
上御平臺召閣臣手出此奏面諭曰 皇考潛德青宮幾四
十年憂勤惕慮靡有寧忍雖長幼固有定序 皇祖意無偏
向然儲貳為國家大事諸臣上疏催請是其職掌如何說他
浮議說他好事溫體仁奏無嫡立長 皇祖屢旨申明因諸

臣不行靜聽屢疏援讀以致大典久稽寔是諸臣之罪

上曰雖如此說然諸臣催請之疏自不可少還是有功國本又如張差持梃闖入東宮此何等大事王之案揭稱其強壯不類風癲請集多官會審正是他敬慎處如何反說他捏謀王應熊奏王之案原係官箴有玷知不能免故捏出此段以圖自全上曰張差直到殿簪韓本用聚衆擒拏可是王之案捏造的後多官會審張差口供歷歷是風癲不是風癲溫休仁奏王之案此揭原不差但其本意欲借此以自免上又曰皇考病亟時李可灼輕進紅丸以致賓天爾時是臣還

是付之不聞不見的是還是據法執奏的是王應熊奏李可灼本意原祈 皇考速愈因 皇考久病之後一時挽回不轉 上曰君父有疾豈是臣子可以嘗試以希望富貴之地當時諸臣不行執奏已是錯了反說執奏的不是有此理否溫体仁奏此皆是逆瑞時群小附會造為此說今要與已經焚燬是非已明今又屢奉 皇上中詔便可垂示萬古 上乃將此疏付閣臣改票二十九日奉 旨奏內 冊立大典皇祖淵衷默定外廷未知故屢有清請然諸臣羽翼國本忠自難泯張差寔係風癩雖無別情然提擊異變法應重究紅丸

輕進諸臣無一執奏殊欠敬慎但其意亦忠愛諭旨申明即
為定案寔錄不必議改該部知道已縣所票也閣臣護奸如
此 上有堯舜下有共驩可奈何自是 聖意屬注先臣欲
大用矣

十月初十日 日講官姜曰廣誤讀通鑑引罪 上傳停通
鑑講春秋閣議春秋非頒經不可時詞林止先文肅習春秋
舉朝相慶謂 聖意之有在也十一日閣中題先文肅習春
秋 日講官舊例 日講官止有六人今始增七人為例矣
十二日先文肅日講 命下十七日進講元年一傳十八日

進講春王正月一傳十九日進講盟蔑一傳二十日進講克
段一傳 聖上御講筵向未有連講四日者 天顏甚和御
月白 龍袍亦向所未睹也二十四日進講祭伯傳而宰嚭
係婦媿盟密係闕疑俱不進講隨奉 聖諭宰嚭一章正見
當時朝政失宜所以當講今後以此類推讀之使人凜然真
不世出之 英主也

二十六日 廷遣登萊總兵倪寵倣古授鉞之意滿朝俱角
素此條與七月二十六日 召對記註及賀兵部王盛參論
烏程諸疏山西巡撫吳姓 陸辭疏皆膾炙人口因同道書

寄出不遠日久不能追憶姑舉其繁

癸酉應天鄉試論題聖心如日明水清墨卷多用青山綠水
等句皆性理中語也 上聞之大駭又 御筆塗出文理純
謬者八卷以禮部不行糾駁回奏反行曲庇尚書李康先閑
住主考庶子丁進降調舉人李懷王佩等停革有差
烏程倡論行取推知考選館員于是徐開禧胡守恒張居賴
垓林增志王用予梁兆陽郭之祥李仕淳李景濂魯元龍薛
所蘊等十三人考授編修簡討等官十二月十九日始 命下
又考選徐耀范淑泰房之麒宋學顯辜朝薦葉向標荆可棟

李汝琛南周初等為給事中鄧鉉張肯堂張纘曾劉呈瑞張
孫振等為御史其改授者張孫振擬兵部而上改御史鄭
爾說擬御史而上改刑部爾說曾疏叅溫王二輔者也
崇德知縣龔立本考選授兵馬張孫振為歸安知縣係烏程
父母官有與援因拉龔同營提徑先是龔夢有人言他日有
張姓者邀與同事慎勿預至是龔果辭張遂由他途改換御
史

溫體仁烏程籍歸安人王應熊巴縣人同惡相濟吳宗達奉
行兩人意旨毫無短長時目為殘片適禮部尚書黃士俊丁

未狀元左右侍郎孔貞運陳子壯已未榜眼探花京師為之
語曰禮部重開天榜狀元榜眼探花有些惶恐黃孔內閣翻
成妓館烏婦王已茂片總是遭瘟溫一時傳以為笑雖云出
輕薄少年手然赫：師尹而今人鄙夷至此其生平亦可見
矣

是年正月降賊王劉王之臣等至太原扶賞巡撫戴君恩誘
劉等斬之王之臣即豹五也而苛嵐大盜高嘉計鄉險道神
者尤橫會山陝大旱飢民投賊者甚衆

河南賊自鄆陽薄穀城掠新楚光化襄陽一時六路賊俱集

官兵不能支賊遂圍均州掠荆門景陵陷房縣及保康
陝西賊陷洵陽西鄉土寇乘之漢中震動賊遂連陷紫陽平
利白河圍興安兵備王在臺固守達洪承疇赴援乃退破鳳
縣

二月特設五省總督以延綏巡撫陳奇瑜為之去歲廷議
流賊孔熾擬特設總督共推兵部侍郎汪慶伯慶伯不欲往
烏程力庇之遂止不設至是始設用奇瑜奇瑜受命檄諸
將會兵于陝州而陝州賊在漢南者為土人所拒乃趨夔州
入四川矣

上發帑金五萬兩 命御史梁炳賡濟山陝山西自去秋八月
至是不雨大飢人相食永寧州民蘇倚哥至食其父母
張應昌兵敗于均州賊還屯勦陽之黃龍灘分三股一趨雒
陽一趨淅州一趨廬氏時調寧遠邊兵勦賊加副將張外嘉
為總兵統之行至中途餉不時給遼丁且關至帳下外嘉撫
取無術遂遇害遼丁結隊潰入流賊營中

四川賊復入陝陷兩當鳳縣將隸陽平關渡河趨鞏昌洪承
疇追至成縣見賊勢方盛乃檄副總兵賀人龍劉成功等統
兵赴藍田夾擊賊南奔漢中承疇令斷棧道據守鞏昌關賊

不得前從間道犯城固洋縣官兵禦却之南犯川中而川兵
復托守諸險賊首李自成張獻忠等坐困于漢中之車箱峽
會連雨二旬餘賊飢無所得食賊馬乏弱死者過半弓矢俱
脫指日束手就擒矣李自成等大窘乃求撫密遣人賄奇瑜
每撫一名納銀五十兩奇瑜利其賄許之凡降賊三萬四千
有奇勒令還鄉仍歸原籍檄諸軍按甲無動每百人以一安
撫官押送所過郡邑為具糗糧傳送之既度校道出諸險口
至草涼樓地方一夜眾賊盡縛安撫官或殺或割耳或杖責
或縛而擲之道旁攻掠寶鷄麟游等處始縱橫不可制矣

七月陝西賊陷文縣官兵逐之東走網峪川遂陷同官既而
走鳳翔西趨沂陽隴州初賊之甫叛也倖至鳳翔西關口稱
奉督撫檄安插城內守臣知其詐給以門不敢啟須縫上城
先登三十六人盡殺之總督陳奇瑜因借為辭劾地方官紳
撓債撫局以激上怒于是知縣李嘉彥紳衿孫鵬等皆逮
問下獄

洪承疇知降賊復叛統兵進勦至岐山賊衆大至承疇兵僅
三千張疑設伏賊遂趨耀州時漢中兵三千四百有奇總兵
左光先等將之臨鞏兵三千五百總兵孫顯祖等將之平涼

兵二千副總兵艾萬年將之止可城守總兵張全昌等統兵
六十專視賊所向以為援剿是時賊倡獮甚烽火直檄于耀
州富平三原涇陽叛兵楊國棟擁三千騎披凌鎧直抵西安
城下乞撫巡按范復粹不敢應巡撫練國事在鄠縣聞之馳
還登南城檄國棟至語一日未決度不受撫必西走盤屋密
檄沿途官兵飭隘更設伏於盤屋之夾水溝時未茂泥淖騎
不任馳伏發殲其半一賊斬國棟以獻餘入終南山賊混世
王等從鳳翔東趨欲犯西安洪承疇一晝夜馳入西安檄諸
路兵赴西安合擊之賊至西安東境官兵以力疲不能出承

時恐賊東出潼關先令張全昌曹變城問道趨渭南道其前而
自帥兵駐潼關紅鄉溝賊至游擊李效祖栢永鎮力戰賊却
不得入關因登玉山承時馳赴藍田欲從小後問道勒之賊
懼夜走商南初老回等先據維南山中今又並以諸賊共
阻險自守承時帥諸將駐潼關大峪口以防其出仍飭脩關
鄉靈寶等處 閏八月關西賊陷隴州屯城中浹月叅將賀
人龍勅之賊圍之數重十月承時遣左光先等援之圍始解
而西走之賊陷靈臺及崇信白水又陷涇州是時北至慶陽
西至鞏昌西北至邠州永壽西南至藍屋郿縣遍地皆賊衆

殆二十餘萬陳奇瑜至是始悔其見愚分兵堵禦而力已不
支矣御史傳永淳疏言漢南降盜陷城破邑所在騷然皆由
陳奇瑜專主招撫謂盜已革心不許遣途訊詰故郡邑不敢
問開門揖盜勒撫兩妨皆奇瑜之流毒也 十月 上以秦
賊猖獗逮陝西巡撫練國事以李喬代之十一月陳奇瑜削
職聽勘時廷論俱罪奇瑜悞國應逮問正法而烏程一力護
持僅擬遣戍 李自成於七月陷澄城圍鄧陽聞洪承疇至
解圍去轉寇平涼邠州八月陷咸寧殺知縣趙濟昌遣承疇
至西走乾州十月左光先擊自成於高陵富平間斬首四百

餘紘自成佯求撫于監軍劉三頌真寧知縣王家永遽出城
招撫失其印三頌即登牌拒守自成乃奔邠州張献忠同自
成陷澄城轉掠平涼閏八月自成先鋒高傑降于副將賀人
龍

七月鄭陽撫治盧象昇勅竹山竹谿諸賊連戰斬七百餘紘
復敗之于破石墮崖及投水死者又十餘人

十二月進洪承疇兵部尚書總督五省先是西寧兵變兵備
孔聞籍閩室自焚承疇還師定亂賊遂分陷隴州汧陽西寧
既定承疇整師而東賊悉衆東奔分道盡入河南集汝維間

左良玉軍浥池總兵陳永福合鄧紀軍南陽

八年乙亥正月下吏部左侍郎張捷于獄張捷自薦呂純如之
後倚烏程為奧援乞休疏凡三十二上皆溫旨不允疏內
信：狂吠無復顧忌最後奉旨張捷佐計在途着即出供
職正擬於計典肆其兇鋒而適有御史劉宗祥之疏先是宗
祥巡按四川成都知縣賀儒修者張捷姻也捷特作東托宗
祥欲得卓異一舉華陽一調末又有忠言不入朝事日非等
語宗祥入川儒修狼籍甚著宗祥不能諱據實糾劾有旨
革職逮問捷大懷恨時宗祥回道考校捷一力把持擬加重

謹宗祥具疏剖辯以捷手書上聞宗祥甫投疏遂遇大常少
卿祝世美告之故世美力止以為不可急趨會極門取索原
疏則已封進御前矣次日旨下張捷革職提問後都察
院擬宗祥降三級調外任御筆批劉宗祥著回道管事
二月流賊犯鳳陽焚燬皇陵報至傳報經筵是日十二
正當開講也百官皆角素九卿上慰安公疏二十四日乙巳
上御布袍懋祭太廟二十六日丁未廷遣駙馬都尉王弼
懋告皇陵百官俱布服從事下詔罪已減膳撤樂隨
命速鳳陽巡撫楊一鵬巡按吳振縵下之獄振縵者烏程幕客

也在臺中七年規避不差及甲戌臺中沸然謂此番吳再規
避當上公疏以正臺規振纓不得已乃就差次應得貴州胡
平運應得鳳陽振纓挾以烏程之勢請以貴州易鳳陽蓋鳳
廬淮揚素稱難地又與浙江隣近平運壓于烏程從之至是
以陵寢失事同一鵬被逮一鵬正法振纓以烏程力庇僅
從遣戍然烏程為振纓祈哀大瑞屈膝者再閣休真掃地矣
又楊一鵬者筮仕成都府推官游峨眉山有狂僧踞佛座覲
楊而笑曰汝猶記下地時行路遠啼哭數日夜吾撫汝項而
語耶楊追憶現時事大驚無由致禮焉因留同宿可語達旦

臨別囑曰二十年後當會汝於淮上及是楊開府淮安一日
薄暮有野僧擊鼓稱我眉山萬世尊寄書發函得絕句詩七
首急索寄書僧已不知所往矣未幾流賊犯鳳陽焚祖陵
楊坐失事論死其詩始傳于世其詩云謫向人間僅一週而
今限滿恐難留清虛有約毋相負好覓當年范蠡舟其二云
業風吹破進賢冠生死關頭著脚難六百年來今一過莫將
大事等閑看其三云浪游生死豈男兒教外真傳別有師富
貴神仙右而得尚牽羶鎖戀狂痴其四云難將瑋玉拒無嘗
熱業終歸上一方欲問後來神妙處碧天齊擁紫金光其五

云頌米法旨不容違仙律森嚴敢洩機楚水吳山相共聚與
君同跨片霞飛末二首不傳萬世導即前狂僧也密語受記
楊之子稍向人吐露揚聞而訶之臨刑神氣如常時預知報
定不可違也事頗怪并附記

先臣上 皇陵震動疏畧曰頃者流賊不靖乃致侵犯 皇
陵焚燒 禮殿則真古今未有之奇變臣等臣死之秋也願
不亟滅此賊無以洩神人之憤而不追溯亂原亦無以施戡
定之功天縱聖明如 皇上勵精求治如 皇上而紛紜恒
擾寇盜相尋斯其說在易之蠱矣蠱之敗壞必易世而後見

故是皆以幹蠱之辭明前人養其疾至後人始受之也 皇
上御極于乾綱解組國步幾危之日一番振滌日月重光深
得先甲之維新而於後甲之丁寧似稍畧焉蓋戊己之際廢
籍諸臣彙征連茹而謀國罔效遠疆失事以致 聖衷懷疑
群邪伺隙沿至於今繆種漸芽蔓延滋長孤陽時翳于陰暖
砥柱莫挽于狂瀾魍魎或嘯舞于離明狐鼠且縱橫于城社
逆氣足以召逆妖氛足以成妖此致亂之源也堂陛之地欺
猜愈深朝野之間剝削日甚縹紳感靡聘之懷士子嗟束濕
之困商旅咨嗟智工失業本備全盛之海宇忽見無聊之景

色此又致亂之源也。違事既壞，修舉無謀，兵不精而日增餉，隨兵而日益餉，益則賦重，賦重則刑繁，復乘之以天災，加之
以飢饉，而守牧愆功，令之嚴畏，參罰之峻，不得不舉鳩形鵠
面，無食無衣之赤子，而啓之禁之，使愁苦之氣上薄于天。

皇上雖有卹民惠下之德意，而九重邃密，何繇得聞？下民無
知，直謂有司仇我虐我，今而後得反之也。此又致亂之源也。
將無紀律，兵無行伍，淫汙殺劫，慘不忍言，尾賊而往，莫敢奮
臂所報之級，半是良民；間遂有賊兵如梳，官兵如櫛之誣。
民安得不為盜？安得不日繁？此又致亂之源也。具此亂源，

而當事諸臣不能憂國奉公反躬省己加膝墮淵總絲恩怨
張羅布網費盡機閑試觀數年以來所為振綱肅紀者何事
推賢用能者何人安內攘外者何道富國強兵者何策即如
流賊一事輒忽已久既失一夫當閑之勢縱虎出林復悞各
撫務鎮之謀教條計本今日 廟社怨恫幽明胥痛國事至
此諸臣之內豈足食乎凡食 君之祿撫 君之爵者皆當
伏鈇鑕之誅膺放流之典固非角素盈朝可以塞責慰安一
疏可以畢事者也在 皇上宜赫然一怒以安天下發永痛
之詔明罪己之懷按失事之誅正悞國之罪行撫綏之寔事

獨民間之積逋使豈弗循良得專意于收民徐議財源之濬
無徒竭澤之漁盡亦患得患失之鄙夫廣集群策群力以定
亂蠱之衆曰振民有德益振取蕩滌之義育有補救之方若
復養癰不決弛瑟不張 俞甯無聞而但云已有 旨矣方
圯既極而尚言載罪立功忽：悠：將安底止哉奉 旨本
內追溯亂源亟圖廟筭殊屬愷切併理財用人等事該部悉
心籌畫以脩採擇

三月陞盧象昇兵部右侍郎總督五省軍務 賜尚方劍統
關遼兵勦東南賊洪承疇勦西北賊陞山東巡撫朱大典總

督漕運巡撫鳳陽同家昇協勦遼河南巡撫玄默以陳必謙
代之優召大學士何如寵堅以疾請允之東閣直房前第
一間為首輔所居若未正首輔之稱者雖次叔第一不敢居
也桐城再召疏辭不允勉強就道至臨淮復以病堅辭始
蒙俞允為程竭力邀首輔之稱不可得端陽閣臣例有
賜饌大璫傳諭曰稱首輔為程即開首輔之室居之

七月二十六日皇上闕門適召群臣試以果擬先臣以
病不能出倪庶子元璫無病而亦不出三十日旨下吏部
取姜逢元陳子壯先臣張至發蔡奕琛張元佐閔仲儼馬之

驥張居九人履歷次日廷推林鉉孫慎行劉宗周三人開票
再推幾員來省越三日 御筆批兵部馬士差人召來七月
二十六日奉 旨文震孟張至發俱陞禮部左侍郎兼東閣
大學士即行入閣與首輔溫體仁等協同辦事閣中初崇禮
部尚書 御筆改禮部左侍郎真特達之知也二十八日上
辭疏二十九日 旨下八月初二日優上辭疏午上而 旨
未刺即下次日即宣 聖諭盡撤各鎮監視內官真有拱已
以聽之意先臣欲堅以病辭香山力止以為不可遂於十三
日面 恩入閣辦事

罷各鎮監視太監 諭曰朕御極之初撤還內鎮舉天下事
悉以委之大小臣工比者多營私罔恤民艱庶幾者又迂
踈無通論已已之冬京城被攻 宗社震驚此士大夫負國
家也朕不得已用 成祖監理之例分遣內臣監視添設兩
部總理雖一時權宜亦欲諸臣省咎引罪今經制粗定兵餉
稍清諸臣應亦省改其將總理監視等官盡行撤回以信朕
之初心張彝憲侯漕竣即回監供職惟閔年家適奴寇高起
潛着削去總監字樣督理如故

先臣供事

日講

上甚屬意宮中嘗言文震孟到閤中到

好只是他還是板金絲時先臣官少詹正四品也烏程領知
之年終講官應敘勞題陞先臣應陞正詹烏程寢閣不題傳
祭酒冠應陞正詹仍陞少詹阻遏後進亦已甚矣六月至八
月烏程大病不能起上乃得點用先臣使烏程不病此
舉不可笑也

時聖恩深重捐軀莫能圖報而爾時天下事寔有不可
為者政府之事權日輕紹璫之盤踞已久能盡削之以歸
中書乎疆場之飭備無期內地之流毒愈熾誰為宗岳之
選乎真小人張弼以伺我隙偽君子甘言以售其奸能一

一燭焰之伴勿隨其網乎雖欲佐聖天子以轉移天下
將安從措手也竊為先臣計不若堅以病辭使聖天子
知能辭宰輔者惟先臣一人耳宋神宗論溫公辭樞密曰
若他人雖迫之使去亦不肯矣惜乎香山諸公見不及此
也

上為流寇事于二十一日召問臣及府部科道官平臺面
對諸臣各有敷陳先臣奏今調官兵勦賊本以衛民也乃官
兵不能勦賊反以殃民以至民間有賊兵如梳官兵如櫛之
謠今惟嚴申節令凡兵丁擾害良民者必殺無赦將官能鈴

來兵丁秋毫無犯者監軍御史立刻奏聞破格優擢上曰
卿說得是又召入門內先臣奏民間團聚村堡正人自為
守家自為戰之意官兵不得以索糧為名到處騷擾以致流
賊亦冒粒官兵混入村堡欲堵禦之則虞以殺傷官兵致干
法網欲拱手聽之則子女玉帛聽其捆載而去民害何繇得
除寇氛何繇得靖臣意請天語申飭今後凡^官兵所過地方
官預脩糗糧勿得以惡州寨責違者叅處兵丁亦不許私入
村堡違者聽民間堵禦將官不得故縱五府中某有言此不
可行者先臣復相辨折時跪奏良久上曰先生起來稱先

生亦異穀也

故事新參入直後以名帖同禮帖致意大璫大璫亦以名帖
禮帖致意此舊規也先文肅繇特簡入政府此例遂廢大
璫曹化淳係王安名下素附正人疑先文肅有意外之托王
安之姪中書某轉致同人且盛稱曹璫故依先文肅之意又
云若循例徃來外廷惟所欲為大璫無不奉命同人以告先
文肅堅持不可曰極大璫之力使我不為宰輔耳不為宰輔
于我何損而名帖既入此等豈能洗耶同人乃止曹璫久不
見覆以為大恥遂與烏程比而呼吸相應先文肅頓失

聖眷蓋繇于此

烏程于內廷凡有執事人員即極小者節中俱有禮相候掌印及秉筆者又不必言先文肅乃孤行一意如此欲久居揆席得乎

先文肅壬戌廷試大璫王休仁以御批第一持名帖報喜舊例以晚生帖優之先文肅語其人曰我新進書生不知回帖談怎麼寫今姑以原帖奉復蓋甫進即與內奄抗薑桂之性老而彌辣如此

時杭州解到龍緞三萬匹內奄索賄不遂駕言不中用令崇

旨駁還先文肅與烏程言龍緞雖云不堪御用然以充賜賚
襍賞似亦無妨况三萬匹入京不知費民財幾十萬若行駁
還復造以進民不堪命矣明主可以情告宜出一指為杭
民請命乞行暫收以後不許以不堪者塞責烏程不可票
旨盡數駁還後徵之數年始克補解

總兵曹文詔以勦賊陣亡奉有卹典其子曹變蛟任副總
兵有謝恩疏閣票者再四仍發出改票御筆將奉卹典
月日及上疏月日各加一點閣臣咸不解其故後數日烏程
入直及獲良久曰得之矣乃卹典之旨尚新與謝恩疏

月日不相應蓋變蛟托人在京幹當邀 旨後隨即具疏即
漢昭察霍光之明也乃票 旨詰問其故次日即下先文肅
稱烏程亦有小才謂此

浙江提學僉事黎元寬以文體事褫單元寬出揭盡發烏程
囑托諸私事謂執法不阿烏程修怨所致御史姜思睿據揭
具疏叅論給事中姜應甲助之思睿疏有為代州者事頗淺
烏程乃得預為地 上果主先入之言欲加降廢屢發改票
先文肅與香山竭力調護得免

九月部推操江正為太僕寺卿張元佐光祿寺卿王道直陪

上召對于暖閣元佐剴拾陳言率爾殊甚適直轄：言不能出
口 上點用道直後四年己卯浙江巡按題涂必泓雲南巡
按題王範 上亦召對必泓條奏兩浙利弊甚悉 上改王
範巡按浙江必泓巡按雲南蓋 聖意用人不測如此
十月 上以流寇未平震驚 陵寢特頒 聖諭避殿撤樂
減膳以初三日始居武英殿百官俱宿公署閣臣俱宿于朝
房詔曰朕以涼德續承大統不期倚任非人遽爾三入流寇
七年師徒暴露黎庶顛連國帑匱絀而徵調未已閭閻凋敝
而加派難停中夜思維不勝愧憤今年正月流氛震驚

皇陵 祖恫民庶罪寔在朕今調遣兵留新餉立救元：務在
此舉惟是行間文武吏士勞苦飢寒深切朕念：其風餐露
宿朕不敢獨卧重幃念其飲水食粗朕不敢獨享甘旨念其
披堅冒險朕不敢獨衣文繡茲擇十月三日避暑武英殿減
膳撤樂非典禮事惟以青衣從事與我行間文武吏士共甘
苦之以寇平之日為止文武官其各省遇漕餉用回天心以
救民命

七日 上御筆起用黃道周十日 上御筆放王應熊此兩
日烏程皆以待罪不入直而十日嘉善香山皆以暫假不入

惟先文肅與淄川司票擬說者謂已縣之故先文肅寔為之
由是忌者益耽：不能旦夕容矣

給事中許警卿削籍為民福建右布政中紹芳單職法司提
問警卿由壬戌考選歷任工科都給事中計今十四年資俸
俱極深以母老欲得南京太常少卿以便迎養同人俱不可
德州遂欲題陞南缺先文肅愜甚語侵德州過常德州懷恨
達臺省同時攻德州及總憲許公謂必須舍德州而專攻總
憲蓋總憲與烏程朋比肆惡尤不可緩戶科姚思孝已具彈
章以德州總憲並列以許公言遂去德州德州稍：相忘矣

而御史張纘曾不通商確特疏獨奏德州張寓與許比隣德州疑此疏出先文肅及許公意又山東左布政勞永嘉輩金六萬兩主兵科宋之晉家營陞登萊巡撫已入啟事矣勞故三案漏網諸臺省擬合力攻之德州三逆戶科宋學頭曲致殺勦求諸君稍徐之候 旨下而攻之未晚蓋 旨既下則前金可分享也又曰勞公之座即申公之座也申係寒家姻戚時以右布政賫表入都公期已及蓋直以此相挾而臺省竟不能待交章連續有 旨登撫着另推而東省諸人又無不懷恨矣宋之晉遂力懇德州謂先文肅決不相容自當以

銓席待南冢及大司農豈能久留汝耶德州已心動遽又值
張績曾之疏以之普語為信然遂具疏叅譽卿與紹芳坐以
爭官講缺而叅紹芳中有憑藉輿援等語閣中相顧錯愕嘉
善謂爭官須有寔跡當令回奏不應為程崇而悍然搶去崇
旨云大干法紀着降級調用夫既云大干法紀矣而僅：降調
乎次日果改崇着削籍為民先文肅力爭之不能得乃言科
道為民極崇之事敬謝老先生玉成之又二日 旨下譽卿
為民紹芳提問

十一月大學士何吾騶與先臣同罷許給事譽卿復有去國

一疏參烏程烏程辨疏即參先文肅即指前為民極榮之語
謂皇上所以鼓勵天下者止有此爵祿位號而文某乃云
云以股肱心膂之臣為此悖倫滅法之語曰悖曰滅蓋深文
以激聖怒也 上覽之果怒有 旨吾駙震益不宜徇私
撓亂疏未及吾駙而 旨突及之知烏程所以相中者非一
朝一夕之故矣吾駙與先臣俱具疏引罪再疏吾駙奉 旨
着致仕去先臣奉 旨着冠帶閑住去

下庶吉士鄭鄞于錦衣獄鄞為士成庶吉士建言蒙譴林居
亦十四年矣與嘉善皆出華亭之門稱先後同門鄭之得館

選也宜興口誅筆罰不少寬假鄭心怨之卒任之際攻擊宜興烏程者甚衆鄭因昌言宜興決不可留而烏程寔可大用言路不當並攻嘉善心善其說既入政府即力譽鄭于烏程烏程唯嘉善郵寄鄭書謂當急求吾已致子情于烏程矣鄭復訊先文肅先文肅力阻其求鄭反有愠心以先文肅之相為不如嘉善也至是赴京補官嘉善復言于烏程謂郵某已求是人可脩老先生築籠中物當以館職畀之烏程復唯唯武進舊輔鄭族母舅也力毀鄭于烏程烏程信之適時烏程新遷香山與先文肅長安閑然不平其事鄭亦隨衆持憤

激之論烏程覘知之謂鄭特假語以欺嘉善耳遂具疏糾鄭
疏成語嘉善曰今為鄭某事具疏當與老先生同題嘉善欣
然及取視則糾其杖母事嘉善面赤股栗不能出一詞烏程
冷笑曰固知老先生不願預也遂獨具名以進 上方欲以
孝弟風勵天下 覽疏震怒下鄧于錦衣獄杖母者鄭為孝
廉時父振先私寵一婢為嫡吳氏所虐振先與子謀假此仙
以怵之吳氏懼甚願受杖以贖罪即令此婢行杖行杖之次
鄭不禁失笑吳氏大怒謂渠父子私構此局適想三黨由是
喧傳有杖母之事然其事已三^十年不可得而究竟也

十二月在籍禮部左侍郎林鉉順天府尹劉宗周行取到京
有旨林鉉著以原官兼東閣大學士入閣辦事劉宗周陞
補工部右侍郎

是年二月流賊犯鳳陽先是總兵尤世威等統兵扼守潼關
諸隘口露宿凡十旬皆患疫痢不能軍聞賊大至遂潰賊乃
越盧氏趨永寧轉陷滎陽攻汜水屠之又破固始復分為三
路一趨鳳陽一趨六合一趨潁亳潁州知州尹夢鰲判官趙
士宏率士民固守破城俱闔家殉難遂犯鳳陽鳳陽無城郭賊
至官軍無一人敢迎敵者賊焚皇陵棲殿俱燼燔松柏三

萬餘枝殺守陵內奄六十餘人縱放高牆罪宗百餘人留守朱國率家丁巷戰斬賊二十七人力竭以死賊首掃地王太平王入府治知府顏容暄因服匿獄中賊縱囚獲之賊首張蓋鼓吹杖容暄于堂下殺之推官萬文英等六人武弁四十六人俱被殺士民被殺者數萬割孕婦以視男女注嬰兒于槩觀其宛轉號呼以為樂焚公私邸舍二萬三千餘間光燭百里恣掠三日太監盧九德總兵楊御蕃統京營兵至南京兵亦至賊乃拔營趨廬州沿途殺掠無算遺陷巢縣殺知縣嚴覺攻舒城知縣章可試塞三門止開一門以誘賊暗設

坑以陷之賊入死者十餘人援兵亦漸相逼賊遂掠霍山抵
廬江廬江歛金求免賊偽許之衆不意夜襲城陷獲陷無
為州

賊首滿天星張大受等攻桐城衆與繞城呼降守將射中其
腰遂趨潛太諸縣諸縣山民皆習獵以毒注矢中人輒斃所
在結寨殺賊：遂走麻城

三月江北賊掠安慶陷潛山應天巡撫張國維率兵禦之江
南兵素不習訓練猝與賊遇陸營守隘程周祐望風先逃總
練指揮包文連陣亡全軍潰散賊遂入湖廣陷麻城及羅田

斬黃民擒獲賊首促天王身長八尺日啖人心數十雙目與
髮俱赤自言此天亡我非我過也倡亂九年陷州縣十餘
所向無敵今乃為村民所擒豈非天哉解至軍門伏誅

總兵鄧玘為叛兵殺于樊城玘素無紀律所將川兵淫掠尤
甚俄時營叛玘登樓以避之見勢迫起火死營北竄惟步
兵未動洪承疇令叅將賈繼選周繼元分統之

五月漢南賊陷寧義曹文詔進剿夜至王峪賊伏險以待文
詔擊敗之張全昌自咸陽出興平之東賀人龍入于午谷斷
其南奔劉成功同游擊王永祥駐金牙關遏其北走賊夜渡

河趨邵縣承疇亦渡河追之至王渠鎮賊方出恣掠賀人龍
擊敗之追至大泥峪賊舍騎登山張全昌復擊敗之賊盡入
終南山

六月隴西賊搖天動等襲陷西和曹文詔赴援至安羅寨大
軍在後而賊十餘萬驟至力竭自刎文詔敢戰能殺賊為賊
所畏報至官軍為之奪氣陝西巡撫李喬萃職議罪甘學
潤代之

七月賊高迎祥張獻忠等陷登城八月陷咸陽先是賊翻山
鷄降于承疇賊首高迎祥即聞王屯乾州承疇令翻山鷄說

之不聽南走武功承靖追擊敗之迎祥率大隊自武功整屋
分道渡河十月張獻忠老回：突出潼關守將艾萬年等兵
潰遂犯南鄭而一字王等部衆十餘萬高迎祥統十三萬亦
自潼關出犯關鄉壘竇大隊東行塵埃漲天濶四十里絡繹
百里老弱居中精騎居外總兵祖寬左良玉兩軍相對遙望
不敢邀擊賊遂屯于陝州十一月祖寬破賊整齊王于九嵩
賊潰而為二東走郿鞏南走汝州兩宸群賊大合于龍門白
沙連營六十餘里祖寬分兵襲擊張獻忠于姑家廟大敗之
斬首十餘級獻忠奔光固陷霍丘進逼鳳陽朱大典率兵馳

赴壽州獻忠遂陷巢縣含山又陷和州沿江下犯江浦

十二月賊高迎祥羅汝才即曹操破光州官吏士民屠戮無遺叅將羅子章擊敗漢南賊追至于于谷又敗之賊奔饒風關

補錄毛馬魏傳四公疏畧周延儒未枚卜之前上獨召對日西而入星移始出語秘莫傳舉朝驚駭御史毛羽健疏言其事略曰國家設閣臣以脩顧問設九卿以課職掌設臺省以司糾彈封駁大小相維壅蔽不生祖宗立法良有深意聖上每事法祖今日欲訪軍國大務耶一二執政誰敢不竭

股肱欲探機密隱情耶二三言路誰敢不披肝胆乃舍葑菲
之遺獨結魚水之契皇上將母謂舉朝皆不足信惟延儒
一人可信乎延儒果有嘉謨黻論亦宜昭示中外宣付史館
俾天下萬世曉然知聖眷之端有所屬而大小臣工剴然
于進退之不可苟如此昔漢武帝非冠帶不見汲黯宋臣蘓
軾恥由他途進今皇上于延儒台見不以朝參而于晏
暇非宣室之鬼神何為前席豈通明之傳令何為夜半不焚
以南衙之出入而同北門之學士乎延儒賢者必將形跡自
遠不肯冒昧以赴功名如其不然又安用取此人而用之次

年袁崇煥伏法兵部員外陸澄源疏奏羽健為崇煥黨法應
同坐有 旨革職提問 時王永光起補高捷史塗為御史
御史馬鳴世疏劾之畧曰王永光以逆瑞餘孽作神奸領袖
違 旨拂眾薦用高捷史塗而邪臣大捷塗為霍維華逆黨
一脉相傳 皇上豈不知之彼逆案諸臣已死之灰也而猶
持逆案諸臣是未剪之翼也若嚴逆黨之身而寬逆黨之類
竊恐鷹眼獨存鴟音復振其為芝蘭嘉禾之害非淺鮮也
宣府太監王坤以冊籍妄煩劾巡按胡良機有 旨究明奏
奪給事中魏呈潤疏爭之畧曰代巡之任簿書刑名碎如蟻

聚使良機果有註誤則回道考核應以直枉候之 聖鑒今
王坤在鎮良機亦在鎮而隨以究明奏奪一付中貴之手良
機倘堅如矢之概乎知其不以危改節萬一百鍊則腸化為
繞指與竈密宅轉為徑竇不亦羞 朝廷壞士節今後米啣
憲而往者靡所展其丰猷乎人見網紀之司諮訪之使且復
戾中貴莫能自必其命彼半銅分符誰復敢以國事爭抗者
異日 皇上欲聞九邊之動靜監視之善惡奚從知之 給
事中傅朝佑疏畧曰 皇上慮周邊境用王坤監視宣大未
嘗令其司彈劾之權操 中朝之議也乃一叅再叅且及閭

臣縱令閣臣有過 朝廷耳目之司夫豈乏人乃令中官言之書之史冊何以示子孫而傳後世哉臣于是不能不為首輔等為常遣內臣之始何不近援 祖制遠援漢唐宋之覆轍以力諫即不然相率以去就事之可也臣又不能不為諸輔等為常擬王坤之疏蜀不直言揭奏正義責坤為 皇上遵 祖制為 朝廷持大權而願唯々以聽之乎臣不特為閣臣惜而深為 國體惜為天下治亂之大關惜也